

► *Celebracion di nos Dia Nacional* **E aspecto cultural di nos país mester resaltá mucho mas** *Incluso na Hulanda*

ORANJESTAD- Minister Drs. Marisol Tromp, kende a caba di bolbe for di Hulanda, unda el a bai riba propio gasto, esta hunto cu e grupo musical di cual e ta forma parti di dje, pa celebrá Dia Nacional di Aruba na Hulanda, a duna di conocé e aspecto cultural di nos país mester resaltá mucho mas.

Na Hulanda, Drs. Marisol Tromp a bisa di a haya oportunidad di parti di Minister Plenipotenciario, Ella Tromp-Yarzagaray pa por a hiba palabra durante e evento grandi na Hulanda. E tabata un actividad hopi bon, unda diferente

di nos artistanan local a actua. E ta contento di por a participá como musico y nan a bai riba propio forza. Sin duda Cas di Aruba a haci un bon trabao.

Si Minister Drs. Marisol Tromp ta spera cu den futuro e acénto worde poní mas fuertemente ainda riba nos cultura. Sigur cu esaki por worde combiná cu nos Carnaval, pero riba nos Dia di Himno y Bandera, e parti cultural di Aruba mester resaltá mas ainda.

Hopi lo puntra e ora ey, Carnaval no ta parti di nos cultura? Riba e pregunta aki, Minister Drs. Marisol

Tromp a bisa cu t'e Minister di Cultura mester bai na splica kico ta su maneho. Pero na su opinion si nos ta celebrá Dia di Himno y Bandera, e celebracion mester ta enfocá riba nos himno y bandera y nos cultura. Carnaval, sigur tin su periodo, y asina tambe nos tin Fiesta di San Juan, esta deramento di gai, igualmente nos tin nos Dandé, sigur nan ta forma parti di nos cultura. Pero un biaha mas ta keda n'e Minister concerní pa definí kico nos kier men cu nos cultura por medio di su maneho riba diano oficial di Aruba.